

菩提樹非樹？

由神秀與惠能的不同思維談修行的現實

一、說法緣起

二、思想典故

1、神秀

A、《六祖大師法寶壇經》：

「身是菩提樹，心如明鏡臺，時時勤拂拭，勿使惹塵埃。」

B、「祖已知神秀入門未得——不見自性。但留此偈，與人誦持。依此偈修，免墮惡道；依此偈修，有大利益。」令門人炷香禮敬，盡誦此偈，即得見性。門人誦偈，皆歎善哉。」

2、慧能

A、《六祖大師法寶壇經》：

「菩提本無樹，明鏡亦非臺；本來無一物，何處惹塵埃？」

B、「為說《金剛經》。至『應無所住而生其心』，惠能言下大悟，一切萬法，不離自性。遂啟祖言：『何期自性，本自清淨；何期自性，本不生滅；何期自性，本自具足；何期自性，本無動搖；何期自性，能生萬法。』祖知悟本性，惠能曰：『不識本心，學法無益；若識自本心，見自本性，即名丈夫、天人師、佛。』」

三、惠能境界與經典對應

1、本自清淨、本不生滅、本無動搖

《解深密經》：「若法自相都無所有則無有生。若無有生則無有滅。若無生無滅則本來寂靜。若本來寂靜則自性涅槃。」

2、本自具足

《文殊師利佛土嚴淨經》：「又問：『云何以具一切諸法？』」
答曰：「具足五陰，乃能具足三界一切，普備十方諸佛之法。」

3、能生萬法

《大方廣佛華嚴經》：

「心如工畫師，畫種種五陰，一切世界中，無法而不造。」

4、不取不捨

A、《六祖大師法寶壇經》：「若無塵勞，智慧常現，不離自性。悟此法者，即是無念，無憶無著，不起誑妄。用自真如性，以智慧觀照，於一切法不取不捨，即是見性成佛道。」

B、《大般若波羅蜜多經》：「時，諸天仙等白佛言：「世尊！如是般若波羅蜜多甚為希有，令諸菩薩摩訶薩眾速能攝取一切智智，以無所得為方便故。所謂於色不取不捨為方便故，於受、想、行、識不取不捨為方便故；於眼處不取不捨為方便故，於耳、鼻、舌、身、意處不取不捨為方便故；於色處不取不捨為方便故，於聲、香、味、觸、法處不取不捨為方便故。---」

四、以緣起法會通諸義

《大智度論》：「因緣生法無自性，無自性故即是畢竟空。是畢竟空，從本以來空，非佛所作，亦非餘人所作；諸佛為可度眾生故，說是畢竟空相。」

五、果上之境，無梯不達，妄心擬作，盡成顛倒

1、《佛說稻苳經》：「爾時彌勒語舍利弗言。佛世尊常說。見十二因緣即是見法。見法即是見佛。」

2、《楞嚴經》：「其性真為妙覺明體。如是乃至五陰六入。從十二處至十八界。因緣和合虛妄有生。因緣別離虛妄名滅。殊不能知生滅去來。本如來藏常住妙明。不動周圓妙真如性。性真常中求於去來。迷悟死生了無所得。」

3、《楞嚴經》：「汝但不隨分別世間。業果眾生三種相續。三緣斷故三因不生。則汝心中演若達多。狂性自歇。歇即菩提。勝淨明心本周法界。不從人得何藉劬勞肯綮修證。」

4、《圓覺經》：「知幻即離，不作方便；離幻即覺，亦無漸次。一切菩薩及末世眾生依此修行，如是乃能永離諸幻。」

六、不識緣起，徒勞拂拭，磨磚成鏡，終無是處

1、《首楞嚴經》：「因地不真果招紆曲。」

2、《辯中邊論》：「謂觀色等非常無常定執有我。是增益有情邊。定執無我是損減有情邊。彼亦撥無假有情故。為離此執說中道行。謂我無我二邊中智。定執心有實。是增益法邊。定執心無實。是損減法邊。為離此執說中道行。謂於是處無心無思無意無識。執有不善等諸雜染法。是所治邊。執有善等諸清淨法。是能治邊。為離此執說中道行。謂於二邊不隨觀說。」

七、漸修頓悟法所當然

《楞伽經》：「爾時大慧菩薩為淨自心現流故，復請如來，白佛言：『世尊！云何淨除一切眾生自心現流？為頓為漸耶？』佛告大慧：『漸淨非頓。如菴羅果，漸熟非頓；如來淨除一切眾生自心現流，亦復如是，漸淨非頓。譬如陶家造作諸器，漸成非頓；如來淨除一切眾生自心現流，亦復如是，漸淨非頓。譬如大地漸生萬物，非頓生也；如來淨除一切眾生自心現流，亦復如是，漸淨非頓。譬如人學音樂書畫種種技術，漸成非頓；如來淨除一切眾生自心現流，亦復如是，漸淨非頓。』」

譬如明鏡，頓現一切無相色像；如來淨除一切眾生自心現流，亦復如是，頓現無相、無有所有清淨境界。如日月輪，頓照顯示一切色像；如來為離自心現習氣過患眾生，亦復如是，頓為顯示不思議智最勝境界。譬如藏識，頓分別知自心現及身安立受用境界；彼諸依佛，亦復如是，頓熟眾生所處境界，以修行者安處於彼色究竟天。譬如法佛所作依佛，光明照曜。自覺聖趣，亦復如是，彼於法相有性無性惡見妄想，照令除滅。』」